



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuißimiè explicantur

Gavanti, Bartolommeo

Antverpiæ, 1634

De Aduentu. Cap. I.

urn:nbn:de:hbz:466:1-40244

SECTIO SEXTA.

De Proprio de Tempore.



X P O S C I T ordo Breuiarij, vt, explicatis Rubricis generalibus, accedamus ad Rubricas speciales, & partes eiusdem Breuiarij ; & cum de Psalterio (quod alias erat in centro Breuiarij, nunc in capite) dixerimus satis, cum de Psalmis enarraremus, Sectione precedenti cap. 8. reliquum est, vt Proprium de Tempore, quod Psalterium sequitur, examinemus, digniora tantum relaturi.

SECTIONIS SEXTÆ CAPITA XXI.

- | | |
|---|---|
| 1 De Aduentu. | 10 De Feria quartâ Cinerum. |
| 2 De Antiphonis maioribus Aduentus. | 11 De Dominicis Quadragesima. |
| 3 De Dominica quarta Aduentus. | 12 De Dominica Passions. |
| 4 De Vigilia Nativitatis Domini. | 13 De Dominica Palmarum, & Hbdomada maiore. |
| 5 De Natali Domini. | 14 De Paschate, & eiusdem Octaua. |
| 6 De Festis infra Octauam Nativitatis Domini. | 15 De Tempore Paschali. |
| 7 De Epiphania Domini. | 16 De Litanis maioribus, & minorib. |
| 8 De Dominicis post Octauam Epiphanie. | 17 De Festo Ascensionis Domini. |
| 9 De Septuagesima, & Dominicis sequentibus. | 18 De Pentecoste. |
| | 19 De Dominica Trinitatis. |
| | 20 De Festo Corporis Christi. |
| | 21 De Dominicis post Pentecosten. |

De Aduentu. CAP. I.

DE Hymnis & Lectionibus degimus superiori Sectione cap. 6. & 12. omittimus Suffragia Sanctorum, ne ante Christum natum implorare videamur eorum opem, quos ipse Christus suo aduentu sanctitate donauit. Neque sit com-

memoratio Crucis, ne videar ut paf-
fus antequam natus; neque item de
Pace, quæ ante Nativitatem eiusdem
non fuit; sed eo nato, ab Angelis data
est hominibus bonæ voluntatis. Azot.
lib. 10. par. 1. cap. 16. Aduentu Princeps cedunt alij, ait Duran. lib. 6. cap. 1.
quod suprà retulimus.

2 Responsorium primum est in
Breui-

Breuiario vnicum, quia tres Versus habet; & Amalar. de Ord. Antiph. c. 8. meminit. Auctor illius fuit Monachus S. Gregorij, ex Duran, lib. 6. c. 3. Tres autem Versus ex eodem Duran. dicuntur nomine trium ordinum Sanctorum, qui ante legem, in lege, post legem Saluatorum exceptarunt: quibus additur *Gloria Patri*, in laudem S. Trinitatis, quæ tandem misit eum in terras. Repetitur demum à capite Responsoriū; quia, ut inquit Gemina lib. 3. cap. 1. iterū aduentus Domini à fidelibus expectatur. Repetitio fit à remotori, deinde à minus remoto, & demum à propinquieri: quia Patres primi temporis remotores fuerunt ab Aduento Christi quām recentiores, Mich. Timot. in Spec. ordinand. tractat. 6. par. 5. cap. 4.

3 Reliquorum Responsoriū dicuntur auctor S. Gregorius, & mentio est eorumdem, sed ordine paulūm diuerso, apud Amalar. loco citato. cetera cum eodem Amalar. concordant, præter Lectiones.

4 In Dominica tertia mutatur Initiorium, quod concordat cum Capitulo Vesperarum & Laudum, ad excitandos animos erga Christum venientem; & congruentius nunc mutatur in Dominica tertia quām in Feria 4. Quatuor Temporum, vt ante Pium V. siebat.

5 S. Hilarius in lib. Officiorum citatus à Bernone de quibusdam ad Misericordiam spect. c. 4. notat, in tribus Dominicis Aduentus significari trinum Christi aduentum ad fidelitatem in fructuofam; venit enim ante legem per naturalem hominis intellectum; venit sub lege, cum ipsa lege; venit ultimò per gratiam. Haec ille.

6 De Quatuor Temporibus Ad-

uentus, sicut etiam de alijs in Vere, Estate & Autumno, satis superque diximus in priore Tomo. Officium est feriale cum Precibus, exceptis Temporibus Pentecostes; & appellatae sunt Feriae maiores in recognitione Breuiarij, vt diximus Sectione 3. cap. 6. num. 2. pag. 27.

De Antiphonis maioribus Aduentus. C A P. II.

1 **A**ntiphonæ maiores in Aduento dicuntur ex, quæ per septem dies ante Nativitatem Domini recitantur, incipientes ab O, quæ maiores alijs sunt, quia duplicantur. De his queruntur quatuor, &

Primò, Cur ad *Magnificat* recitatur? nam ad Laudes congruentius videbantur recitari posse, ad Canticum Zachariae, quod fuit cantatum de Aduento Messie. Respondet tamen Amalar. de Ord. Antiphon. cap. 13. eas spectare magis ad beatam Virginem quām ad Zachariam. Addit Duran. lib. 6. cap. 11. quia Christus expectabatur ad vesperam mundi, idè dicuntur in Vesperis ad *Magnificat*.

2 Cur duplicantur? ad explicanda iterata suspiria sanctorum Patrum, Duran. loco citato.

3 Cur septem? Ad litteram, vt per Octayam ante Nativitatem Domini accendamur erga Christum venturum, admirantes potius quām vocantes Saluatorem, qui iam venit: nam illud O admirantis est magis quām vocantis, ex Amalar. loco cit. Mysticè quoque septenarius numerus significat in Christo septiformem Spiritus sancti gratiam, & septem humani generis miseras, quas ex Antiphonis

O 3 haustas